

普超三昧經卷第四

士末 惟十

佛說放鉢經 是普超經別品殊譯

安公云失譯

惟

柰何 上乃人個透互 第上音酸 酥官酷 呵也  
反能也 反近下許 跖竹嫁反 又厥居月反  
劇奇逆 罪疊近反 跖竹家反 又厥其也  
棚閣庚反 四植下舊貲限 上子斯反  
上少祭反掩 一長跢音值也思也反  
下一計反陰 一長跢下其矣反 嫣古哀反  
漬在智熙反 拏捶下之委反 同相寺反  
反許之搘捶下之委反 同相寺反

讎隙上音酬下丘寇賊上苦候反  
讎反怨敵也寇賊或作寢一脅虛業  
中天少喪日於小反 抑制上意  
何永言書刊

佛在舍衛祇洹精舍時與諸菩薩無央數比丘比丘尼優婆塞優婆夷諸天王釋梵及阿湏倫鬼神龍諸人非人無央數悉會坐佛說菩薩法無央劫勤苦泥犁禽獸薜荔一切憂勞十方布施金銀珍寶車馬奴婢及妻子頭目肌肉皆不愛惜用施十方人勤苦故時忉利天上二百天子前世作菩薩道未堅在佛所聞求道勤苦皆念道劇難得心便轉求羅漢辟支佛道佛知是諸天子意欲轉便化作一人端正無比令持百味飯至佛所前長跪

義手作禮白佛言願佛哀我受此飯佛便受之座中有菩薩在佛前坐字文殊師利白佛言當念故恩座中諸菩薩悉聞展轉相問文殊師利前世有何等恩施於佛而復欲得佛飯佛即捨鉢于地便下入地中乃至賴毗羅耶佛刹刹名波陁沙鉢懸止空中現彼刹中

諸菩薩見之起前長跪白佛是懸鉢從何所來亦不墮地彼佛言且待須臾當見菩薩威神變化少時釋迦文佛告摩訶目捷連行求索鉢摩訶目捷連即入八千三昧徧入八千佛剎視不見即還白佛言求索鉢了不知處佛告舍利弗汝復行求索舍利弗入萬三昧

下行過萬佛剎求鉢不得即還白佛言我下行過萬佛剎求鉢了不見佛復令摩訶迦葉行求索鉢摩訶迦葉便入萬二千三昧復下過萬二千佛剎求索鉢不得還白佛言我求索鉢了不見舍利弗白弥勒菩薩言仁者高才功德已滿智慧備足次當來佛當知鉢麁弥勒菩薩語舍利弗言我雖次當來佛功德成滿其行具足不如文殊師利菩薩譬如十方恒邊沙佛剎滿中萬物草木及余所菩薩不能知佛一步之中所念何等文殊師利菩薩知深三昧獨文殊師利菩薩能知佛鉢處舍利弗即起前至佛所長跪叉手白佛願今文

殊師利菩薩行求索鉢佛語文殊師利汝行求鉢來文殊自念舍利弗當不起於座而致鉢來即入三昧譬言如日出光明無所不照菩薩入三昧者十方無所不至文殊內手從袈裟裏下探過十佛剎手指諸節其一節放千萬光明出一光明端各有一蓮華蓮華上有  
一菩薩坐皆如文殊其下剎有佛蓮華上菩薩者皆持釋迦文佛聲謝諸佛復持文殊聲遙爲諸佛作禮如文殊手逮至賴毗羅耶佛剎剎中諸菩薩白佛言是手何等亦不見邊亦不見際賴毗羅耶佛語諸菩薩言上無數佛剎名沙訶樓陀佛号釋迦文前有坐菩薩字文殊最尊光明智慧難可當作變化如是諸菩薩白佛言今我等欲共得見釋迦文及文殊賴毗羅耶佛即放額上千億光明出照中央無數佛剎一至釋迦剎諸菩薩問佛今有是火火光烟出須臾便火出是大泥犁火耶佛言莫作是語是非泥犁火釋迦剎

名沙訶樓陁是中火也諸菩薩問佛言是沙訶樓陁刹者何因名沙訶樓陁有是火佛語諸菩薩沙訶樓陁刹者雜惡三毒姪姝瞋怒愚癡諸菩薩白佛言沙訶樓陁刹中諸菩薩忍辱不瞋怒者作是爲可佛語諸菩薩釋迦刹中人罵詈菩薩輕易撻捶者菩薩忍辱終不知瞋怒慈哀十方人欲今度脫皆是菩薩威神所加菩薩忍辱之恩故名沙訶樓陁諸菩薩白佛言我等聞是大歡喜得不生釋迦刹弊人之處賴毗羅耶佛告諸菩薩莫說是語不可沙訶樓陁刹中諸菩薩意佛言我爲沙曹謹東方佛字頭意刹名訶波離摩核陁

沙訶樓陁刹中菩薩一日一夜所行罵詈輕易之菩薩忍辱終不瞋怒譬如是人行火中身不燒之難尚不及是菩薩若百倍千倍萬倍億倍諸菩薩等二萬人前白佛願欲上至沙訶樓陁刹供養釋迦文佛及文殊師利菩薩等賴毗羅耶佛語諸菩薩若欲至沙訶樓陁者先治汝意譬如地得香華好物不喜得屎尿涕唾膿血惡露亦不瞋佛言我何因爲若曹說是語釋迦文佛刹中有菩薩先世多供養諸佛者人有急性者意善之事但口教急用今世惡故諸菩薩白佛言沙訶樓陁刹諸菩薩先世多供養諸佛求道大久何緣生沙訶樓陁弊惡人處佛告諸菩薩有二因緣今世生沙訶樓陁刹本前世與釋迦文佛俱行索佛故前世相隨復有菩薩宿命有惡不盡故生彼惡世諸菩薩白佛今是諸菩薩生沙訶樓陁刹何因緣得除宿命之惡佛言善男子善女人生沙訶樓陁刹索菩薩道生

貧家舍用是故除宿命惡又多病者復除宿命之惡又遭遇父母兄弟妻子病瘦死亡憂愁感傷用是故復除宿命之殃又遭逢縣官恐怖棄捐父母家室財產亡逃憂愁用是故復除宿命之殃惡若有一旦失財業窮厄用是故復除宿命之殃惡若在惡國中生本爲

他國所攻敗壞奔走愁憂無聊用是故復除宿命之殃惡若生弊惡人中貧賤面目醜陋形瘡盲聾不屬達人父母兄弟妻子宗親皆共憎之是人愁憂用是故復除宿命之殃惡若聞有善道歡喜欲索明師敎告經道開心從受不得明師便愁憂用是故復除宿命之殃惡若復遙聞遠方有師高明智慧通達欲往從受經學身體病瘦手足拘攣不可動搖錢用乏少又無伴侶便不可行念之憂愁用是故復除宿命之殃惡若有人行求善師欲從學受經道師大明達皆知道要弟子愚癡無慧意不開解便自愁憂用是故復除宿命

之殃惡若有善師欲敎弟子出間之事開語經道弟子愚癡不能忍受便棄捐師去後歸念師法戒大歡喜意悔愁憂用是故復除宿命之殃惡若有求菩薩道者卧坐夢中見怨家持刀兵追逐怖恐夢中恐怖復除宿命之殃惡若有菩薩道家善男子善女人宿命殃

惡未盡死當入泥犁中勤苦一劫得善師教悔過一日一夜各三持經戒不復作惡一日一夜者頭痛身熱諸病悉除盡不復入泥犁中賴毗羅耶佛語適竟文殊師利下手採鉢賴毗羅耶佛刹及中央無央數佛刹上至釋迦文佛刹皆大震動一切人皆令驚怖舍利弗起前長跪叉手白佛言何因緣震動如是莫不驚恐者佛語舍利弗今是地震動者文殊師利探鉢是故震動舍利弗問佛言鉢在何所止佛言鉢乃在下過無數佛刹有佛字賴毗羅耶其刹名波陁沙鉢止是中舍利弗白佛言今諸菩薩阿羅漢及諸天人阿須倫

鬼神龍欲見下方賴毗羅耶佛刹及中央諸佛刹欲見文殊師利變化取鉢時佛便放足下百億光明悉照十方無數諸佛刹土如是悉徧見賴毗羅耶佛刹諸菩薩見文殊師利變化取鉢時諸菩薩天人阿湏倫鬼神龍皆大歡喜諸阿羅漢皆大愁毒淚出各自言善

薩尚能變化在所作爲乃余何況佛威神光明難可當我等寧入泥犁中百劫後出聞菩薩法便奉行何憂不得我願賴毗羅耶佛刹中諸菩薩及中央諸佛刹土菩薩無央數皆來上至釋迦文佛所諸菩薩各自念言到釋迦文佛所供養中有菩薩散華覆一佛刹有菩薩散香有菩薩散天衣有菩薩散金銀珍寶有菩薩作音樂聲一佛刹中如是諸菩薩皆前持頭面著地爲佛作禮已却坐文殊師利菩薩探鉢來出座中諸菩薩阿羅漢諸天人阿湏倫鬼神龍莫不歡喜舍利弗起前長跪叉手白佛言文殊師利有何等恩施與佛

今何因緣言當念故恩佛語舍利弗乃前世無數劫時有佛字羅陀那祇有六萬比丘阿羅漢七億二千萬人諸菩薩中有一菩薩字惜那羅耶朝起入城分衛得滿鉢來還從街上行有一乳母抱長者子字惟摩羅波休見沙門持鉢便下乳母抱趣沙門所沙門以石蜜餅授與小兒小兒歠之大美便隨沙門去乳母逐護之小兒歠盡還顧意欲還去沙門復取餅授之兒歠餅遂隨沙門出城到佛所見佛端正身有三十二相八十種好視之無厭見諸菩薩比丘大歡喜沙門便教小兒潔手漱口便持鉢餅與小兒今飯佛汝今得安隱後得其福小兒即受鉢餅持至佛前以手接餅著佛鉢中復過與諸菩薩比丘僧皆悉滿足食飽餅鉢如故如是飯佛菩薩及比丘僧七日小兒大歡喜自說我日持一餅飯佛菩薩及比丘僧七日飯滿我必得福因是一功德得佛佛語諸菩薩阿羅漢言此是

本時恩也。憍那羅耶菩薩今文殊是也。時小兒維摩羅波休者我身是今我得佛有三十二相八十種好威神尊貴度脫十方一切衆生者皆文殊師利之恩本是我師前過去無央數諸佛皆是文殊師利弟子當來者亦是其威神恩力所致譬如世間小兒有父母文殊者佛道中父母也。佛說是經時忉利天上二百菩薩自念佛本文殊所教化今作功德成佛文殊何以故在佛前不成佛耶。佛言文殊深入善權廣化衆生故未取道。佛告諸菩薩及比丘四衆前二百天人菩薩欲悔取二乘者見文殊變化吾應報恩今皆更發無上心修菩薩道。

後世皆當作佛。佛說經已諸菩薩比丘僧諸天人阿湏倫鬼神龍皆大歡喜起為佛作禮

佛說放鉢經

薛荔  
今  
反  
涕  
唾  
上  
下  
惡  
露  
故  
及  
棄  
捐  
上  
音  
替  
下  
音  
下  
音  
上  
鳥  
而  
字  
而  
折  
又  
余  
者  
及  
又  
弃  
也

惟